



**Francisci Monacelli Eugubini J. U. D. Protonotarii  
Apostolici, olim Ecclesiæ Venusinæ, ac deinde Æsinatis  
Vicarii Generalis, &c. Formularium Legale Practicum Fori  
Ecclesiastici**

In Quo Formulæ Expeditionum usufrequentium de his, quæ pertinent ad  
Officium Judicis nobile, continentur ; Opus Episcopis, Vicariis Generalibus,  
Aliisque Iurisdictionem quasi Episcopalem exercentibus: necnon  
Confessariis, Parochis, Cancellariis, cæterisque in dicto Foro versantibus,  
apprimè utile ...

**Monacellus, Franciscus**

**Venetiis, 1706**

Descriptionis Mortuorum Form. IX.

---

[urn:nbn:de:hbz:466:1-62406](https://nbn-resolving.org/urn:nbn:de:hbz:466:1-62406)

verbis, aut signis expressum contrahentium non intelligit, nec percipit, non poterit testari Matrimonium fuisse contractum, licet si affectasset injustè, & sine causa, peccaret, & punire, posset, ut eruditè, solidèque probat *d. D. Ursaya*, & cum eo alii duo insignes in Urbe Theologi nempe P. Calistus Lodigerius Ord. Servorum, & P. Liberius à Jesu Ordinis Carmelit. Discalceat. quorum *Dissertationes reperiuntur impressæ post d. tr. D. Ursayæ de Matr.*

4 Et est contra sensum Rotæ in *Romana Matrimonii* 4. Februar. 1697. coram Ursino, in publicatione Voti, quod *Sacr. Cong. Conc. in d. Causa exquisierat* 17. Novembr. 1696. expressum, in quo videtur approbata conclusio, quod, si Parochus data opera affectet non audire, quamvis non intelligat adhuc Matrimonium sustineatur, & quod tunc sufficiat præsentia materialis. Quam tamen improbavit eadem Sac. Congr. 6. Martii 1700. in propositione Dubiorum Matrimoniorum sub dicta die propositorum, rescribendo—*Reprobata opinione, quod sufficiat præsentia Parochi purè materialis, seu physica, providebitur in casibus particularibus.*

5 **BENEDICTIONEM.** Benedictio Sponforum est danda, quando contrahentes ambo non fuerunt aliàs Uxorati, vel Mulier non sit Vidua, vel non contrahatur Matrimonium tempore ab Ecclesia prohibito cum Episcopi dispensatione; & in his casibus nihil in partita exprimitur de benedictione, sed exprimitur causa cur non fuerunt benedicti.

6 Præterea debet Parochus Formulam descriptionis supra positam ampliare, & restringere, & variare juxtà Matrimonii circumstantias, puta quod debeat exprimere quando denunciations, vel earum aliqua fuerunt omiffæ ex dispensatione Episcopi. Secundò, si alius Sacerdos de

licentia ipsius Parochi, Episcopi, aut Vicarii Generalis, Matrimonium celebravit; tunc enim Parochus scribit particulam, & Sacerdos illam subscribit. Tertio, quando Conjuges fuerunt à Sede Apostolica dispensati super impedimento publico, & vigore licentiæ Ordinarii Matrimonium fuit celebratum. Quarto, quando de licentia Episcopi Matrimonium celebratur Domi: Quinto, quando celebratur in alia Ecclesia, quàm Parochiali.

7 Sciat Parochus, quòd, si Matrimonium contractum in Libro non describerit, peccati mortalis reus erit, quia spernit præceptum Concilii in re gravi, ut pluries firmavit Rot. *dec. 233. n. 11. part. 10. decis. 445. par. 13. & dec. 44. n. 29. par. 19. recen.* & coram Duno. Jun. *dec. 896. num. 3.* undè si in visitatione Episcopus inveniat eum in hoc deficere, reprehendat, & puniat.

8 Et tandem quæcunque ab Episcopo, vel ejus Vicario Generali circa Matrimonium contrahendum fuerunt concessa, & scripto ordinata, & dispensata, Parochus diligenter custodiat, & servet.

## Descriptionis mortuorum.

## FORMULA IX.

## SUMMARIUM.

- 1 *Decedentes morte improvisa possunt sepelli absque licentia, dummodo non sint publici peccatores.*
- 2 *Pater prius presumitur mortuus, quàm filius.*  
*Quis non presumitur mortuus in pupillari ætate.*
- 3 *Intersectorum Cadavera sepelli debent in Ecclesia, dummodo non sint publici peccatores.*

**N** N. fil. quondam N. ætatis suæ annorum .... circiter, degens in via .... hujus meæ Parochiæ, in communionem Sanctæ Matris Ecclesiæ ex hac vita decessit, & animam Deo reddidit die ... receptis antequam decederet omnibus Sacramentis, atque per me animæ commendatione adjutus, cujus corpus die .... mensis .... anni... *tumulatum fuit* in hac Ecclesia Parochiali N. in Sepulchro .... presentibus N. N. & aliis.

Ita est N. Parochus Ecclesiæ S. N. loci N.

AD-



ADNOTATIO.

**TUMULATUM FUIT.** Hæc clausula debet necessariò exprimi,

quia Capyc. Latr. *decif.* 14. num. 22. quem refert Romagn. *ad Synod. Gerund. lib. 5. tit. 12. c. 2. num. 20.* tenet, quod fides Parochi non probet mortem, nisi dicat, defunctum fuisse sepulturæ traditum.

Alia.

FORMULA X.

**N** N. ætatis suæ annorum ... circiter, degens in via .... hujus meæ Parochiæ *morte improvisa* præventus ex hac vita migravit, cui propterea non potuerunt Sacramenta ministrari, cujus Corpus ad hanc Ecclesiam delatum, in eadem, die .... mensis .... anni ... tumulatum fuit in sepulchro N. præsentibus N. Testibus.

Ita est N. Parochus Ecclesiæ N. loci N.

ADNOTATIO.

**MORTE IMPROVISA.** Hi qui morte improvisa decedunt, possunt liberè sepelli abscque licentia,

dummodò non sint publici peccatores, & excommunicati, vel quoties non adfit aliqua Episcopi specialis reservatio, ut *Sac. Congr. Ep. rescripsit Archiep. Hydrunt. 10. Junii 1586. & 16. Januar. 1596.*

Alia.

FORMULA XI.

**N** N. *filius* N. & N. Conjugum hujus meæ Parochiæ, Puer (vel Puella) sex annorum circiter, ex hac vita evolavit ad Cælum die ... cujus Corpus ad hanc Ecclesiam Parochialem delatum, in eadem, die ... mensis ... anni ... tumulatum fuit in sepulchro diætæ Familiæ præsentibus N. & N.

Ita est N. Parochus Ecclesiæ N. loci N.

ADNOTATIO.

**FILIUS.** Diligens sit Parochus in describendo mortem filiorum Familias, quia de jure prius mortuus præsumitur pater, quàm filius, *Medic. de regul. jur. part. 2. regul. 2. ampl. 59. & 75.* & mortuus quis non præsumitur in pupilla.

ri ætate, sed qui hoc dicit, probare debet, *Bald. conf. 451. & 455. lib. 4. Nat. conf. 395. post. num. 7.* Undè si in Libro Parochiali mors adnotata non reperiretur, damnum notabile interesse habentibus afferret negligentia Parochi, quamquam aliundè mors probari posset.

Alia.

FORMULA XII.

**N** N. ætatis suæ annorum ..... hujus meæ Parochiæ ictu sclopi (sive ensis, sive gladii) percussus in via .... audita per me ejus Confessione, & per

T 2 eum